

四庫全書

子部

欽定四庫全書

子部

王海卷五十七

詳校官給事中^臣查善長

主事^臣祁韻士覆勘

總校官進士^臣朱 鈐

校對官修撰^臣吳錫齡

謄錄監生^臣秦長馨

欽定四庫全書

玉海卷五十七

宋 王應麟 撰

藝文

圖繪名臣

自古皇王褒崇勲德既勒名於鐘鼎又圖形於丹青

周明堂周公圖

家語觀周第十一孔子觀乎明堂覩四門墉有周公相

成王抱之負斧扆南面以朝諸侯之圖孔子曰此周之
所以盛也 有周盛時褒賞功德或藏在盟府或紀于
太常或銘于昆吾之鼎獨周公有大勲勞於天下迺繪
象於明堂之墉期億萬年無忘師保之德使覩之者肅
然動心願竭忠盡瘁追配前人褒崇獎勸之道於是
為至

漢未央宮畫

文苑英華盧碩畫諫曰漢文帝三年

兩漢故事於未央宮承

明殿畫屈軼草進善旌誹謗木敢諫鼓獬豸

漢麒麟閣名臣圖

蘇武傳甘露三年單于始入朝上思股肱之美廼圖畫
其人於麒麟閣法其形貌著其官爵姓名唯霍光不名
曰大司馬博陸侯姓霍氏次曰衛將軍富平侯張安世
次曰車騎將軍龍頤侯韓增次曰後將軍營平侯趙充
國次曰丞相高平侯魏相次曰丞相博陽侯丙吉次曰
御史大夫建平侯杜延年次曰宗正陽城侯劉德次曰

少府梁丘賀次曰太子太傅蕭望之次曰典屬國蘇武
皆有功德知名當世是以表而揚之明著中興輔佐列
於方叔召虎仲山甫焉凡十一人皆有傳自丞相黃霸
廷尉于定國大司農朱邑京兆尹張敞右扶風尹翁歸
及儒者夏侯勝等皆以善終著名宣帝之世然不得列
於名臣之圖以此知其選矣注張晏曰武帝獲麒麟時
作此閣圖畫其象於閣遂以為名師古曰漢宮閣疏名
云蕭何造 叙傳博陸堂堂受遺武皇權定社稷配忠

阿衡

霍光

安世溫良塞淵其德子孫遵業全祚保國

張安世

宣和自守溫顏遜辭

韓增見本傳

營平皤皤立功立論以不

濟可上諭其信

趙充國

高平師師惟辟作威圖黜凶害天

子是毗

魏相

博陽不伐含弘光大天誘其衷慶流苗裔

丙吉

延年寬和列于名臣

杜延年

其在于京奕世宗正劬勞王

室用侯陽成

劉德

小心周密上信重之

梁丘賀本傳

長倩愼愼

覲霍不舉

蕭望之

蘇武信節不詘王命

蘇武

漢未央宮趙充國圖

趙充國傳充國以功德與霍光等列畫未央宮成帝時
西羌嘗有警上思將帥之臣追美充國廼召黃門郎揚
雄即充國圖畫而頌之

漢南宮雲臺功臣圖

當參考褒功
類人物類

後漢論中興二十八將前世以為上應列宿未之詳也
然咸能感會風雲奮其智勇稱為佐命亦各志能之士
也永平中顯宗追感前世功臣乃圖畫二十八將於南
宮雲臺其外有王常李通竇融卓茂合三十二人故依

其本第係之篇末以志功臣之次云大傅高密侯鄧禹

授西討之畧中山太守全椒侯馬成平江淮築亭障大司馬廣平侯

吳漢勇鷙有謀建大策河南尹阜成侯王梁應符而被袞左將軍膠

東侯賈復方直多計琅瑯太守祝阿侯陳俊定太山建威大將

軍好時侯耿弇走延岑次祝阿驃騎大將軍參遽侯杜茂破盧芳平

東執金吾雍奴侯寇恂居河內積弩將軍昆陽侯傅俊定江

東征南大將軍舞陽侯岑彭建南征之效左曹合肥侯堅鐔

攻洛陽降朱鮪征西大將軍夏陽侯馮異守洛陽定關中上谷太守淮

陵侯王霸

權以濟事

建義大將軍高侯朱祐

降秦豐質直

信都太

守阿陵侯任光

迎車駕

征虜將軍潁陽侯祭遵

平河北雅

章太守中水侯李忠

疏財而受賜從平萌憲

驃騎大將軍櫟陽侯

景丹

殘五校

右將軍槐里侯萬修

從平河北

虎牙大將軍安平

侯蓋延

梯城破敵

太常靈壽侯邳彤

一言興邦屠邯鄲

衛尉安成侯

鉞期

勝青犢

驃騎大將軍昌成侯劉植

談說而受封

東郡太守

東光侯耿純

克赤眉

橫野大將軍山桑侯王常

心如城門金石

校尉朗陵侯臧宮

滅公孫質樸而見親

大司空固始侯李通

忘身

奉主捕虜將軍揚虛侯馬武

力戰無前

大司空安豐侯竇融

奉圖

歸驃騎將軍慎侯劉隆

討李憲

太傅褒德侯卓茂

執節淳固

贊

曰帝績思又庸功是存有來羣后捷我戎軒婉孌龍姿

儷景同翻

謂光武也

馬援傳顯宗圖畫建武中名臣列將

於雲臺以椒房故獨不及援東平王蒼觀圖言於帝曰

何故不畫伏波將軍像帝笑而不言 通鑑永平三年

二月功臣之次鄧吳賈耿恂彭異祐遵丹延期純宮武

隆成梁俊茂俊鐔霸光忠修彤植常通融茂

通鑑所叙誤

陶

淵明集聖賢羣輔錄云鄧禹吳漢賈復耿弇寇恂馮異
岑彭祭遵邳彤耿純王霸臧宮景丹杜茂朱祐劉隆馬
成王梁鮑期蓋延馬武劉植任光李忠萬修陳俊傅俊
堅鐔右河北二十八將光武所與定天下 禹漢弇恂
異復彭遵光武之起資為腹心祐丹延期純隆宮武光
武之起資為禦侮成梁二俊茂霸鐔光忠修彤植爪牙
為良茂常通融四七之餘續以繪之功臣之圖

漢西閣畫

楊惲傳惲上觀西閣上畫人指桀紂畫謂樂昌侯王武
曰天子過此一二問其過可以得師矣畫人有堯舜禹
湯不稱而舉桀紂

漢列士圖

論衡宣帝之時畫圖漢列士或不在於畫上者子孫恥
之

漢明帝殿閣畫

見後

漢圖畫胡廣黃瓊頌

鴻都文
學圖贊

東觀
畫象

胡廣傳熹平六年靈帝思感舊德乃圖畫廣及太尉黃
瓊省內詔議郎蔡邕為頌注謝承書頌云巖巖山岳配
天作輔降神有周生申及甫允茲漢室誕育二后曰胡
曰黃方軌齊武惟道之淵惟德之藪股肱元首代作心
膺天生蒸人有則有類我胡我黃鍾厥純懿巍巍特進
仍踐其位赫赫三事七佩其紱奕奕四牡沃若六轡袞
職龍章其文有蔚參曜乾台窮寵極貴功加八荒羣生

以遂超哉邈乎莫與為二 陽球傳靈帝敕中尚方為
鴻都文學三十二人圖象立贊以勸學者臣聞圖象之
設以昭勸戒欲令人君動覽得失 高彪傳詔東觀畫
彪象以勸學者 姜肱傳桓帝下彭城使畫工圖肱形
狀 蔡邕傳靈帝光和元年置鴻都門學畫孔子及七
十二弟子 陳紀傳以至德稱豫州刺史嘉其至行表
上尚書圖象百城以厲風俗 冀州表朱穆之象
太丘有陳寔之畫 蔡質
漢官典職曰尚書奏事於明光殿省中皆以胡粉塗壁

紫青界之畫古烈士重行書讚

漢禮殿圖 文翁學堂圖

益州記成都學有周公禮殿舊記云漢獻帝時立高

文翁石室在焉

周禮殿 益州太守高 益州刺史張收畫

殿記初平五年九月 始自文翁開 益州刺史張收畫

盤古三皇五帝三代君臣與仲尼七十弟子於壁間

史記

索隱仲尼弟子傳 引文翁圖所記

唐志雜傳記類益州文翁學堂圖

一卷 隋志蜀文翁學堂像題記二卷 益部耆舊傳

益州刺史董榮圖畫譙周像於州學命從事李通頌之
李業傳益部紀載其高節圖畫形象宋祁文翁祠碑
云公為禮殿以舍孔子及七十二子之象殿右廡作石
室舍公像其中後人又作高朕象進偶公室嘉祐二年
祁知益州肖公像於宇間繪相如等于東西壁本古學
之復莫若朕今學之盛莫若蔣堂繪二公配祠焉 十
贊太守文翁司馬相如王褒嚴遵張寬李仲元何武揚
雄太守高朕知益州蔣堂 魯靈光殿賦曰圖畫天地

品類羣生云云上紀開闢遂古之初鴻荒朴畧厥狀睢
盱煥炳可觀黃帝唐虞下及三后云云惡以誠世善以
示後先賢行狀曰陳紀與寔高名並著而弟譔又配
之每宰府辟召羔鴈成羣世號三君百城皆圖畫狀

人紀

見著書

漢賢王圖

唐憲漢王元昌畫賢王圖韋無忝畫高祖及諸王圖曹
元廣畫高祖太宗諸子圖

魏溫室畫象贊

魏都賦

見贊類

魏陳思王畫讚序曰畫者鳥書之流

也

呂氏春秋史皇作圖

唐文學館十八學士圖 贊

褚亮傳亮與杜如晦等十八人為文學館學士武德四年上以秦王功大前代官不足以稱之特置天策上將軍位在王公上冬十月以秦王為天策上將軍領司徒陝東道大行臺尚書令增邑二萬戶仍開天策府置官

屬秦王以海內寔平乃向儒學開館於宮城西

作文館

聘賢才於是下教以王府屬杜如晦記室房玄齡虞世

南文學褚亮姚思廉主簿李玄道叅軍蔡允恭薛元敬

顏相時諮議典籤蘇勗天策府從事中郎于志寧軍諮

祭酒蘇世長記室薛收倉曹李守素國子助教陸德明

孔穎達太學助教蓋文達宋州總管府戶曹許敬宗並

以本官兼文學館學士

收卒名劉孝孫入館

分為三番遞宿閣下

供給珍膳恩禮優厚每遇朝謁公事之暇輒至館中引

諸學士討論文籍推畧前代無常禮之間或夜分乃寢

又使庫直閣立本圖像文學褚亮為之贊題名爵里號

十八學士藏之書府以彰禮賢之重方是時天下向慕

學士大夫得預其選者謂之登瀛洲

實錄云勒成一卷號曰十八學士寫

真圖 會要云
具題其爵里

藝文志閣立本畫秦府十八學士圖

又曹元廣畫秦王府學士圖 舊史列傳房玄齡貞觀

十八年與司徒長孫無忌等圖形於凌烟閣讚曰才兼

藻翰思入機神當官勵節奉上忘身

一作危身

杜如晦兼

文學館學士畫像於丹青者十有八人而如晦為冠首

令文學褚亮為贊曰建平文雅休有烈光懷忠履義

一作

抱身立名揚虞世南圖形凌烟閣姚思廉為文學

館學士寫其形像列於十八學士圖令文學褚亮為讚

曰志古精勤紀言實錄臨名殉義餘風勵俗孔穎達

貞觀十八年圖形凌烟閣讚曰道光列第風傳闕里精

義霞開挾辭颺起蘇世長為學士圖畫亮為讚曰軍

詔諧矍超然辯悟正色于庭匪躬之故

十八學士贊

各四句舊史贊十八文星連輝炳耀

房玄齡杜如晦姚思廉孔穎達蘇世長

見舊史本傳

虞世南篤行揚聲雕文絕世網羅百氏並包六藝

李守素賢哉博識穆爾清風遊情文苑高步談叢

劉孝孫劉君直道存交守信雅度難追清文遠振

褚亮道高業峻神清氣遠學總書林文兼翰苑

蓋文連言超理窟辯析談風蒲輪遠聘稷下連蹤

于志寧古稱並友允光斯職蘊此文辭懷茲諒直

許敬宗槐市騰聲蘭宮游道抑揚辭令縱橫才藻
顏相時六文科籀三冬經史家擅學林人遊書市
陸德明儒術為貴玄風可師儔學非遠離經在茲
李玄道李侯鑒遠雅量淹通清言析理妙藻推工
薛元敬薛生履操昭哉德音辭奔健筆思逸清襟
蔡允恭猗與達學蔚有斯文冰霜比映蘭桂同芬
蘇勗業敏遊藝躬勤帶經書傳竹帛畫美丹青

薛收傳後遍圖學士太宗歎曰恨不早圖其像後圖學

士像歎其早死不得與 王覲有記褚亮有贊蔣乂有傳 王覲十八學士圖記曰十八學士皆煬帝之臣曷閤於隋而明於唐是有其材而無其時矣如晦玄齡於一尉或非好去任或挂網徙邊褚亮虞南不離下位或嫉才見謫或七品十年暨顯我國家則有才兼文武器重圭璋者慷慨大節臨機能斷者仁孝忠直預識存亡者潔行檢身而有英略者好學敏達詳明吏道者出入軍旅涉歷危難者不憚兵威植立忠誼者博聞正儉文翰

兼絕者風韻閑雅善於吟詠者精練詁訓長於講論者
立身行道之事盡在斯矣輒采本傳列嘉績庶幾閱像
者思其人披文者思其人後周杜良作唐文皇畫像
記曰太宗未定天下而高祖已登九五矣太宗於閭閻
疾瘼干戈勤勞且盡知之於仁義之治興太平極治之
功容或有未究焉耳既作文學館延四方英俊講貫紬
繹薰陶耳目者莫非帝王之事彼十八登瀛人必曰為
如是事而治為如是事而亂以太宗之明刻記于心肯

圖衰亂乎一意於求治而已仁鑪義鞬道薪德火日往
月來就聖神之模其為宗廟社稷生靈者炳焉與三代
無以異矣故太宗之功烈自漢高以降莫之與敵十八
人之力也 名賢畫錄閣立本圖秦府十八學士凌烟
閣二十四功臣輝映今古惟職貢鹵簿等圖與立德
同製之 南齊竟陵王子良集學士於西邸並見
圖畫

唐貞觀圖功臣凌烟閣

附高宗

太宗紀貞觀十七年二月戊申圖功臣于凌烟閣

舊紀云無忌等

勲臣二十四人凌烟閣在凝陰殿西北面寫功高宰輔南面寫功高侯王太宗贊閣立本畫褚遂良題比天二十

四氣秦瓊傳十七年詔司徒趙國公無忌河間王孝恭司

空萊國公如晦司空太子太師鄭國公徵

傳徵亡帝思不已登凌烟閣觀

畫像作詩悼痛

司空梁國公玄齡開府儀同三司鄂國公敬德特

進衛國公靖

會要無李靖

特進宋國公瑤輔國大將軍褒國公

志玄輔國大將軍夔國公弘基尚書左僕射蔣國公通陝東

道行臺右僕射鄆國公開山荊州都督譙國公紹荊州都督

邳國公順德

傳帝閱功臣圖見其像憐之復爵邑

洛州都督鄆國公亮吏

部尚書陳國公君集左驍衛大將軍鄴國公公謹左領

軍大將軍盧國公知節禮部尚書永興郡公世南戶部

尚書渝國公政會戶部尚書莒國公儉兵部尚書英國

公勣

太宗時李勣已畫像高宗永徽四年復畫其形自序之本傳無此事

并叔寶并圖形

凌烟閣高宗永徽六年遣使致祭名臣圖形凌烟閣者

凡七人徵士廉瑀志玄弘基世南叔寶皆終始著名者

也會要貞觀十七年二月二十八日詔曰甘露良佐

麟閣著其美建武功臣雲臺紀其跡司徒長孫無忌河
間王孝恭司空萊國公杜如晦太子太師鄭國公魏徵
梁國公房玄齡鄂國公尉遲敬德宋國公蕭瑀褒國公
段志玄夔國公劉弘基蔣國公屈突通右僕射鄆國公
殷開山譙國公許紹邳國公長孫順德鄆國公張亮吏
部尚書陳國公侯君集郟國公張公謹盧國公程知節
永興郡公虞世南渝國公劉政會莒國公唐儉英國公
李勣胡國公秦叔寶等二十四人可並圖形凌烟閣

公譙

當是紫紹會要作許紹誤紫紹封霍國公徙譙國卒贈荊州都督謚曰襄

案秦瓊傳止叙

二十三人而遺高士廉唐吕温作贊

一作頌見文粹

有高申公

士廉按序云象二十四氣之佐天即二十四人明矣然

只贊二十二人不贊張亮侯君集以其負國跋扈自陷

大逆故没其名用彰天刑異姓為後又以河間王孝恭

為首會要叙二十二人遺衛國公李靖與高申公士廉

却言叔寶等二十四人藝文志太宗凌烟功臣贊一

卷令狐德棻凌烟閣功臣故事四卷雜史類將人凌烟

功臣秦府十八學士史臣等傳四十卷藝術類凌烟閣

功臣二十四人圖閣立本畫

秦府十八學士及凌烟功臣圖並閣立本之跡也

又有曹元廣畫凌烟圖

舊史永徽五年高宗圖長孫無忌形象

親為畫贊以賜之通志有唐朝功臣配享圖李

嗣真武后奇其風度召閣元靜圖之楊志誠為贊殷

仲容書

唐廣德凌烟閣圖功臣

代宗紀廣德元年七月壬子給功臣鐵券藏名於太廟

圖形凌烟閣

實錄御宣政殿下詔雍王至曹楚王三十
三人 栢良器圖形凌烟閣 侯希逸寶

應初圖形
凌烟閣

德宗紀為天下兵馬元帥封雍王寶應元

年十月諸將敗史朝義遂克東都十一月朝義死河北

平以功兼尚書令與功臣郭子儀李光弼等賜鐵券圖

形凌烟閣 李光弼傳浙東賊袁晁反台州建元寶勝

以建丑為正月殘剽州縣光弼遣麾下破其衆於衢州

廣德元年擒晁浙東平詔增實封戶二千與一子三品

階賜鐵券名藏太廟圖形凌烟閣 郭子儀傳回紇吐

蕃入寇代宗跳幸陝程元振懼罪說帝都洛陽帝可其計子儀表諫帝得奏泣謂左右曰子儀社稷臣朕西決矣乘輿還子儀頓首請罪帝勞曰用卿晚至此乃賜鐵券圖形凌烟閣

鮑防傳代宗時兼太原尹人樂其治

詔圖形別殿

唐貞元凌烟閣圖象

聖歷侍臣圖贊

舊紀貞元五年九月壬戌詔以褚遂良已下至李晟等二十七人圖形於凌烟閣以繼國初功臣之像 李晟

傳貞元三年進拜太尉中書令明年詔為晟立五廟他
日與馬燧見延英帝嘉其勲下詔曰昔我烈祖乘乾
溫滌掃隋季荒第體元御極作人父母則有熊羆之士
不二心之臣左右經綸參贊締創昭文德開武功威不
庭康不乂用端命于上帝付畀四方王業既成太階既
平乃圖厥容列于凌烟閣懋昭績效表式儀刑以弗忘
朝夕永垂乎來裔君臣之義厚莫重焉歲在己巳秋九
月會要作貞元己巳歲孟秋七月我行西宮瞻望崇構見老臣遺像顯

然肅然和敬在色想雲龍之協期感政業之艱難親往
思今取類非遠且功與時並才與世生苟蘊其才遇其
時尊主庇人何代蔑有在中宗時有如桓彥範等著輔
戴之績在玄宗時有如劉幽求等申弼翼之勲在肅宗
時有如郭子儀掃除氛祲今顧晟等保寧朕躬咸宣力
肆勤光復宗祏訂之前烈夫豈多謝闕而未錄孰旌厥
賢況念功紀德文祖所為也在予其曷敢怠有司宜叙
先後各圖其像于舊臣之次命皇太子書其文以賜晟

晟刻石于門 會要貞元五年九月李晟馬燧見延英
上嘉其勲下詔云云於是史官考其功績第其前後以
褚遂良蘇定方郝處俊等三十七人充之 馬燧傳與
李晟皆圖像凌烟閣 張萬福傳江淮草木亦知威名
德宗召為右金吾大將軍詔圖形凌烟閣 李惟簡傳
號元從功臣圖形凌烟閣賜鐵券 蔣乂傳德宗嘗登
閣視右壁頽剝題文漫闕行纔數字命錄以問宰相無
能知者遽召乂至答曰此聖厯中侍臣圖贊帝前口誦

以補不失一字

唐大中圖元和將相凌烟閣 續圖凌烟功臣

宣宗紀大中二年七月己巳續圖功臣于凌烟閣 李

絳傳大中初詔史官差第元和將相圖形凌烟閣絳在

馬獨留中 忠義傳大初中又詔求李峴王珪戴胄馬

周褚遂良韓瑗郝處俊婁師德王及善朱敬則魏知古

陸象先張九齡裴寂劉文靜張柬之袁恕已崔玄暉桓

彥範劉幽求郭元振房琯袁履謙李嗣業張巡許遠盧

奕南霽雲蕭華張鎬李勉張鎰蕭復柳渾賈耽馬燧李

愷三十七人畫像續圖凌烟閣云

會要只三十六人名而曰三十七人有岑

文本而無褚遂良袁恕己

會要大中二年七月十一日史館奏選

堪上凌烟閣功臣除所有舊真形并有子孫在中
外任官令寫進外三十七人敕旨令御史臺牒
諸縣尋訪子孫圖寫真形以進 崔損凌烟閣圖

功臣賦見文苑英華 文宗畫王起象於便殿當

世仲尼

唐開元十八學士圖

贊
亭圖贊
含象

藝文志商鞅韋無忝畫開元十八學士圖

開元人

張說

傳天子尊尚經術開館置學士修太宗之政皆說倡之
常典集賢圖書之任間雖致仕一歲亦修史於家始帝
欲拜說大學士辭曰學士本無大稱中宗榮寵大臣乃
有之臣不敢以為稱固辭乃免後宴集賢院故事官重
者先爵說曰吾聞儒以道相高不以官閥為先後太宗
時修史十九人長孫無忌元舅每宴不肯先舉爵長安

中與修珠英當時學士亦不以品秩為限於是引觴同

飲時服其有體

馬植傳奏言開元中麗正殿賜酒大學士張說以十八人不知先舉者說以學

士德行相先

中書舍人陸堅以學士或非其人而供擬

遂同舉酒

太厚無益國家者議白罷之說聞曰古帝王功成則有奢滿之失或興池觀尚聲色今陛下崇儒尚道躬自講

論詳延豪雋則麗正乃天子禮樂之司所費細而所益

大矣 會要開元十三年改集仙殿為集賢殿麗正書

院為集賢院詔院內五品以上為學士六品以上為直

學士中書令張說充學士知院事散騎常侍徐堅為副
禮部侍郎賀知章中書舍人院陸堅並為學士國子博
士康子元為侍講學士考功員外郎趙崇曦監察御史
咸廩業左補闕韋述李子釗陸去泰呂向拾遺母臧大
學助教余欽四門博士趙玄默校書郎孫季良並直學
士太學博士侯行果四門博士敬會真右補闕馮朝隱
並侍講學士初以張說為大學士辭之列傳賀知章
開元十三年兼集賢院學士玄宗自為贊賜之 康子

元玄宗嘗製贊賜說子元命工圖其象詔冬曦述明分
為傳 陸堅玄宗待之甚厚圖形禁中親製贊 趙崇

曦開元集賢學士又有尹愔鄭欽說盧僕名稍著 集

賢注記殷季友商鞅韋無忝等分貌張說等燕公以手

雜不精奏同州僧法明獨貌諸學士等法明於寫貌無

工切於形似圖成奏之上稱善令藏其本於書院

詳見集賢

書院 圖以年久致失康子元得一本取以進今唯有寫本存焉

翰林盛事開元中

拜張說等十八人為學士於東都上陽宮含象亭圖象

寫御贊述之

唐孔子廟圖七十子 開元二十二賢圖

贈孔子第

子爵

禮樂志武德六年

六月戊戌

詔國子學立孔子廟貞觀二十

一年

二月十五日壬申

詔左丘明卜子夏公羊高穀梁赤伏勝

高堂生戴聖毛萇孔安國劉向鄭衆賈逵杜子春馬融

盧植鄭玄服虔何休王肅王弼杜預范甯二十二人皆

配享開元八年

三月十八日

司業李元瓘奏先聖廟為十哲

象以先師顏子配則配象當坐今乃立侍餘弟子列象
廟堂不豫享而范甯等皆從祀請釋奠十哲享於上而
圖七十子於壁曾參以孝受經於夫子請享之如二十
二賢乃詔十哲為坐像悉豫祀曾參大孝德冠同列特
為之像坐亞之圖七十子及二十二賢於廟壁二十七
年八月十四日詔謚文宣王以其嗣為文宣公先時以周公
南面而夫子坐西墉下貞觀中廢周公祭而夫子位未
改至是始改南向以顏淵配贈諸弟子爵公侯子淵充

公子騫費侯伯牛鄆侯仲弓薛侯子有徐侯子路衛侯
子我齊侯子貢黎侯子游吳侯子夏魏侯又贈曾參以
降六十七人

會要開元二十七年
八月二十四日詔贈

參成伯顓孫師陳伯

澹臺滅明江伯疋子賤單伯原憲原伯公冶長莒伯南
宮适鄭伯公皙哀邾伯曾黶宿伯顏路杞伯商瞿蒙伯
高柴共伯漆雕開滕伯公伯寮任伯司馬牛向伯樊遲
樊伯有若卞伯公西赤邵伯巫馬期鄆伯梁鱣梁伯顏
柳蕭伯冉孺郈伯曹卹豐伯伯虔鄒伯公孫龍黃伯冉

季產東平伯秦子南少梁伯漆彫歛武城伯顏子驕琅
邪伯漆彫徒父須句伯壤駟赤北徵伯商澤睢陽伯石
作蜀郕邑伯任不齊任城伯公夏首亢父伯公良孺東
牟伯后處營丘伯秦開彭衙伯奚容蒧下邳伯公肩定
新田伯顏襄臨沂伯鄒單銅鞮伯句井彊淇陽伯罕父
黑乘丘伯秦商上洛伯申黨召陵伯公祖子之期思伯
榮子期雩婁伯縣成鉅野伯左人郢臨淄伯燕汲漁陽
伯鄭子徒滎陽伯秦非汧陽伯施常乘氏伯顏噲朱虛

伯步叔乘淳于伯顏之僕東武伯原亢籍萊蕪伯樂欽
昌平伯廉絜莒父伯顏何開陽伯叔仲會瑕丘伯狄黑
臨濟伯邽巽平陸伯孔忠汶陽伯公西輿如重丘伯公
西藏祝阿伯於是二京之祭牲太牢樂宮縣舞六佾矣
會要開元八年三月十八日元瓘奏云云七十子者

文翁之壁尚不缺如豈有國庠遂無圖繪請命有司圖
形於壁兼為之贊上以顏子亞聖親為製贊書於石仍
令朝士分為之贊題於壁

漢藝文志論語家有
孔子徒人圖法二卷
蘇冕曰

檢貞觀顯慶年敕並稱二十一賢又檢大極開元年敕
即稱二十二賢將前敕與學令比類於服虔之下有賈
逵未知何年月附入 舊紀武德二年六月戊寅令國
子學立周公孔子廟四時致祭仍博求其後乾封元年
正月甲午次曲阜縣幸孔子廟開元二十七年八月甲
申贈孔子文宣王顏回兗國公餘十哲皆侯夾坐詳見學校
釋奠 韋弘機傳顯慶中為檀州刺史脩學宮畫孔子
七十二子漢晉名儒象自為贊勸生徒

唐武成廟名將圖

禮樂志開元十九年

四月丙申

始置太公尚父廟以留侯張

良配中春中秋上戊祭之牲樂之制如文宣仍以古名

將十人為十哲配享上元元年

會要閏四月十九日

尊太公為武

成王以歷代良將為十哲白起韓信諸葛亮李靖李勣

列於左張良田穰苴孫武吳起樂毅列於右以良為配

後罷中祀遂不祭建中三年

閏正月二十五日

禮儀使顏真卿

奏武成廟請如月令春秋釋奠

七月十一日

詔考定可配享

者列古今名將凡六十四人圖形焉范蠡孫臏廉頗王
翦曹參周勃李廣霍去病鄧禹賈復寇恂馬援皇甫嵩
張遼關侯周瑜陸遜羊祜王濬謝玄慕容恪檀道濟王
僧辨慕容紹宗宇文憲韓擒虎史萬歲尉遲敬德蘇定
方張仁愿王晙王孝傑

以上三十二人列於左

管仲田單趙奢李

牧彭越周亞夫衛青趙充國吳漢馮異耿弇段熲鄧艾
張飛呂蒙陸抗杜預陶侃王猛長孫嵩王鎮惡吳明徹
斛律光于謹韋孝寬楊素賀若弼河間王孝恭裴行儉

郭元振張齊丘郭子儀

以上列於右

貞元二年刑部尚書關播

奏太公古稱大賢今乃置亞聖又有未安而仲尼十哲

皆當時弟子今以異時名將列之弟子非類也請但用

古今名將配享去亞聖十哲之名自是唯享武成王及

留侯而諸將不復祭矣 藝文志盧鋌武成王廟十哲

讚一卷 百官志武成王廟令一人 六十四名將列

國范蠡等八人兩漢曹參等十七人三國張遼

等八人晉羊祜等五人南北朝檀道濟等十二

人隋韓擒虎等四人唐尉遲敬德等十人

唐宗賢學士圖贊

顏魯公集顏勤禮與兄師古相時同時為宗賢弘文館學士太宗嘗圖畫宗賢諸文學士命師古為讚以兄弟不宜相褒述乃命中書舍人蕭鈞讚勤禮曰德彰素里行成蘭室鶴鑰馳譽龍樓委質當代榮之當考會要顯

慶元年三月十六日太子弘請於宗賢館置學士尼父有徒人之法晉帝著樂賢之象

唐龍朔功臣圖

藝文志雜藝術類有韓幹畫龍朔功臣圖

今秘閣畫有閻立本貞觀

名臣圖二

唐麟德殿漢名臣圖

會要貞元十二年二月祀以寒食節御麟德殿內宴於

宰相位後施畫屏風圖漢名臣仍紀其嘉言美行題之

班婕妤曰觀古圖畫賢聖之君皆有名臣在

側

唐古今朝臣圖

舊史韋述傳聚書二萬卷皆自校定兼古今朝臣圖歷代知名人畫魏晉以來草隸真跡數百卷 志曹元廣畫後周北齊梁陳隋武德貞觀永徽等朝臣圖

武后左尚方令

唐六賢圖讚

志雜傳記李渤六賢圖讚一卷

崇文目同見後

唐九老圖

白居易傳稱香山居士嘗與胡杲吉皎鄭據劉真盧真

張渾狄兼謩盧貞燕集皆高年不仕人慕之繪為九老圖

唐歷代名畫記

書目十卷唐張彥遠撰首論畫源流興廢至叙畫人姓

名自史皇至唐王默凡三百三十餘人

唐志十卷

唐帝王事迹圖

宋朝宗室傳守節上所集唐帝王事迹為列聖圖別類

君臣議論為小錄

端拱注撰武成王廟贊

和峴傳端拱初以所著奉常集五卷秘閣二十卷注撰武成王廟贊五卷奏御上嘉之授判太常寺兼禮院事

明道重修七十二賢圖贊傳

明道元年八月戊午詔國子監重修七十二賢堂其左

丘明而下二十一人並以本品衣冠圖之

先是真宗於至道三年七

月癸酉詔文宣王十哲七十二賢像咸加繪飾

元豐七年五月壬戌詔釋奠

以鄒國公孟軻配食文宣王設位于兗國公之次荀況

揚雄韓愈以世次從祀於二十二賢之間並封伯

況蘭陵雄

成都愈
昌黎

又詔學士院撰贊明道元年六月癸卯國子

監說書李敏上所著孔子七十二弟子贊傳六十卷

國史

志李峇
六十卷

治平孝嚴殿圖文武大臣

治平元年三月作仁宗神御殿于景靈宮西園八月成
名曰孝嚴別殿曰寧真戶部副使張燾請圖乾興以來
文武大臣於殿壁繪象自此始十二月御篆孝嚴殿額

二年四月丙午奉安仁宗御容

元豐景靈宮繪勲臣

元豐五年十一月乙酉脩景靈宮成奉安聖容繪勲臣

紹興景靈宮圖配饗功臣

十三年正月乙酉建景靈宮十八年五月甲子一作命

有司圖配饗功臣像于景靈宮廷之壁皇武殿太祖韓忠

獻王趙普咸平二年二月丙申初以趙普配享太祖廟周武惠王曹彬大定

殿太宗司空同平章事諡文惠薛居正樞密使諡元懿石

熙載鄭武惠王潘美熙文殿真宗右僕射平章事謚文靖

李沆魏文正公王旦山南東道節度使同平章事謚忠

武李繼隆美成殿仁宗沂文正公王曾許文靖公呂夷簡

簽書樞密院謚武穆曹瑋治隆殿英宗魏忠獻王韓琦魯

宣靖公曾公亮大明殿神宗韓文忠公富弼重光殿哲宗溫

文正公司馬光承元殿徽宗魏文定公韓忠彥凡十有六

人先是禮部下諸路訪十六人繪像十九年八月甲戌詔以景靈宮繪

像功臣之副藏于天章閣及秘閣復故事也先是九年四月二十

五日李德光上五
帝功臣繪像圖

端慶殿

欽宗

皇德殿

高宗

頤浩趙

鼎韓世忠張俊系隆殿

孝宗

陳康伯史浩美明殿

光宗

葛邲垂光殿

寧宗

汝愚合二十四人

商盤庚云茲

予大享于先王爾祖其從與享之

古者

天子錄功臣配食於

廟大享
烝嘗也

周司勳有功者銘書王之太常祭於大烝

司勳詔之洛浩云記功宗以功作元祀漢祭功臣廟庭

魏正始六年祫祭太祖廟佐命臣二十一人晉咸寧初

荀顗等十二人銘功太常配享清廟唐武德至大中功

臣列祀典三十八人 漢舊儀宗廟祭功臣四十人食堂下惟御僕滕公祭於廟門外塾用一壺酒四脰骨
熙寧元年命取狄青畫像入觀禁中遣使賚中牢祠于其家御製祭文

紹熙八圖

黃裳為嘉王府翊善作八圖以獻曰太極曰三才正性曰天文曰地理曰王伯學術曰九流學術曰帝王紹運終以百官文武各述其大旨因誕日作渾天儀輿地圖

以獻皆以木為之因為歌詩勉進學如天之運行而不息及念祖宗郡國大半陷為賊區乃王心所宜感憤者

寶慶昭勲崇德閣圖配享功臣

皇帝誕膺駿命憲章鴻烈嗣位之元顧二三大臣曰惟前寧人昭則垂佑予曷敢不迪既而太常禮官舉嘉定表章勲臣之意以聞於是奉俞咨閱故府凡以功宗作元祀自韓忠獻王普至邠文定公

邨合文武二十有三人即頌臺建傑閣肖像登繪
寶慶二年八月賜名昭勲崇德之閣宸翰書扁紹
定元年十一月癸巳詔翰林學士清之為紀端平
二年益以汝愚自昔繼體守文之君欲大有為
於天下必賴輔弼共濟康功是以元首股肱相須
一體志同道合乃克有成載之詩書不可誣已然
自非藻繪形容昭揚勲德以著其感會之榮奉承
之蹟何以為君子之勸哉 吳越春秋越王使良

工鑄金象范蠡之形置之坐側朝夕與之論
政

記志

古之史官必廣其所記非獨人君之舉後世因其事類
相繼而作者甚衆名目轉廣又雜以虛誕怪妄之說
推其本源蓋亦史官之末事也

堯握河記

又選王元長曲水詩序注帝王世紀曰堯與羣臣沈璧

於河乃為握河記今尚書候是也

禹受地記

三禮義宗明天地歲祭義禹受地記云崑崙東南五千
里之地謂之神州

周記

韓非子周記曰無尊大臣以擬其主

孔子三朝記

漢志論語十二家孔子三朝七篇注師古曰今大戴禮

有其一篇蓋孔子對魯哀公語也三朝見公故曰三朝 史

記黃帝紀漢高帝紀臣瓚引孔子三朝記漢武紀元光元年
注亦引之索隱曰劉向別錄云孔子見魯哀公問政比
三朝退而為此記凡七篇並入大戴禮 蜀志秦宓曰

昔孔子三見哀公言成七卷注劉向七畧曰孔子三見

哀公作三朝記七篇今在大戴禮臣松之案中經部有

孔子三朝八卷一卷目錄餘者所謂七篇

穀梁疏引三朝記 文選

東都賦注引三朝記 爾雅疏張揖引禮三朝記

漢河間古辟雍記

見三雍類志儒家河間獻王對上下三雍宮三篇

漢逸禮王度記

輿服志注逸禮王度記曰天子駕六馬諸侯駕四夫
三士二庶人一白虎通王度記曰子男三卿一卿命
於天子天子冢宰一人爵祿如天子之大夫反之以玦
王者象君子之德天子鬯諸侯薰大夫芑蘭士兼禮
記雜記注王度記百戶為里里一尹周禮疏王度記

云天子以幣諸侯以薰 曲禮疏按大戴禮王度記云
大夫俟放於郊三年得環乃還得玦乃去 禮記疏案
別錄王度記云似齊宣王時淳于髡等所說也 三禮
義宗王度記云王者象君子之德 文王世子記曰有
師保有疑烝世子之記曰朝夕至于大寢之門外注
世子之禮亡此存其記 學記云記曰三王四代唯
其師

禮三正記

曲禮正義案白虎通稱禮三正記天子龜一尺二寸諸侯一尺大夫八寸士六寸 白虎通別名記曰司徒典民司空主地司馬順天禮別名記曰五人曰茂十人曰選百人曰俊千人曰英倍英曰賢萬人曰傑萬傑曰聖禮三正記曰正朔三而改文質再而復質法天文法地禮親屬記曰男子先生稱兄禮運記曰六情所以扶成五性也 儀禮疏按三正記大夫著五尺故立筮士之著三尺當坐筮 三禮義宗引三正記曰三王各以正

月祭天南郊日用上辛 夏官注引王霸記疏云記王
及霸事 白虎通又引禮五帝記 文選注引禮瑞命
記古瑞命記

蔡氏辨名記

月令正義蔡氏辨名記曰十人曰選倍選曰俊萬人曰
傑尹文子及毛詩傳皆云萬人為英 春秋正義辨名
記云倍人曰茂十人曰選倍選曰雋千人曰英倍英曰
賢萬人曰桀倍桀曰聖 唐志名家范謚辨名苑十卷

雜家盧辯稱謂五卷徐陵名數十卷

漢鄭志 鄭記

見經解類 初學記引鄭記王贊問曰云云 後魏禮志
引鄭志檢魯禮 南齊禮志引鄭志正月上辛祀南郊
又引趙商問 續漢郡國志注引鄭志曰有小泰山

書正義引鄭志張逸問鄭答云 禮記正義引鄭志答
趙商問焦喬答王權云 周禮疏引鄭志趙商問又案
雜問志 詩正義引鄭志答趙商云答張逸云鄭志張

逸問又引雜問志云 隋志鄭志十一卷魏侍中鄭小
同撰鄭記六卷鄭玄弟子撰

魯禮禘祫記

詩正義

鄭康成

魏人物志 唐廣人物志

劉劭傳黃初中為尚書郎受詔集五經羣書以類相從
作皇覽後與荀悅等定科令作新律十八篇著律畧論
景初中受詔作都官考課七十二條說畧一篇又著樂

論十四篇凡所撰述法論人物志之類百餘篇文選注引人物

志

唐志名家

隋志同

劉劭人物志三卷

魏散騎常侍
崇文目三卷

劉昞注人物志三卷

涼祭酒
字延明

中興書目二卷述人性

品有上下材質有邪正欲考諸行事而約之中庸十二

篇九徵體別流業才理才能利害接識英雄八觀七繆

效難釋爭廣人物志一卷唐進士杜周士撰

志三卷崇
文目三卷

採唐朝名臣賞拔人物自武德止貞元凡五十五科以

廣劉劭志云陸羽有南北人物志十卷 唐志又有趙

武孟河西人物志十卷宋璩吳興人物志十卷

名江敞家

陳留人物志十五卷陽休之幽州古今人物志三十卷

傳記類

李德裕人物志論以為索隱精微研幾玄妙然

品人物不倫以管仲商鞅俱為法家是不究成敗之術也
以子產西門豹俱為器能是不辨精麤之迹也其甚者曰辨不入道而應對資給是謂口辯樂毅曹丘生是也
一人之身兼有英雄高祖項羽是也

隋志名

家梁有姚信士緯新書二卷魏盧毓九州人士論一

卷

吳張儼默記

諸葛亮傳注吳大鴻臚張儼作默記其述佐篇論亮與
司馬宣王書 唐志雜家三卷

晉博物志

張華傳著博物志十篇 唐志小說家十卷

隋志雜家十卷

書目十卷采錄雜說異聞有周日用盧氏注釋間見于

下晁氏云載歷代四方奇物異事首卷有地理畧後有讚文

拾遺記張華作博物

志晉武賜以麟角筆管遼西所獻青鐵硯于闐所貢鐵側理紙萬番南越所貢北史常景刪正張華博物志

隋志張公雜記一卷張華撰

唐志雜家

梁有五卷與博物

志相似小不同又雜記十一卷郭義恭廣志二卷後

漢郡國志律志注引博物記春秋正義引博物志廣

志魏志後漢書注引博物志班超傳注引郭義恭

廣志續咸傳著異物志遠遊志皆十卷千寶傳寶

撰集古今神祇靈異人物變化名為搜神記凡三十卷

唐志小 以示劉惔惔曰卿可謂鬼之董狐實博采異聞
說家

遂混虛實因作序以陳其志 隋志魏文帝列異傳三

卷宋東陽元疑齊諧記七卷吳均續齊諧記一卷取莊

子志怪之義 書目搜神總記十卷崇文目云不著撰

人名氏或題干寶撰非也 唐顧況有戴氏廣異記序

戴孚二
十卷

晉發蒙記 見小學

啟蒙記

東晉傳所著三魏人士傳七代通記晉書紀志 亡其五

經通論發蒙記補亡詩文集數十篇行於世 隋志一

卷著作郎束皙 顧愷之傳著啟蒙記

文選注引顧愷之啟蒙記

晉西京雜記

隋志舊事類葛洪二卷

唐志地理類
崇文目傳記類

書目六卷晉

葛洪撰初洪有劉子駿漢書無首尾題目但以甲乙丙

丁紀卷數洪父傳之歆欲撰漢書編錄未就後好事者

始甲終癸次第為十表表十卷合百卷洪以校班史殆

是全取劉書而固所不取者不過二萬言洪抄為二卷

以裨漢書之缺案洪後序復有漢武帝禁中起居注一卷漢武故事二卷并五卷為一表今雜記共六卷不同疑後人誤析爾

故事見前起居注今不存

起 顏師古曰其書淺俗

出里巷多妄說或以為吳均依記為之

晉拾遺記

晉藝術傳

見錄類

書目別史類晉王嘉撰著拾遺記十

卷事多詭怪今行於世梁蕭綺序云本十九卷書後殘缺綺因刪集為十卷

晉文章志

見總集文章類

晉華陽國志

見地理

隋志霸史

崇文目同

華陽國志十二卷

唐志三卷

常璩撰

漢記

以來已蜀人物

後漢書注華陽黑水惟梁州孔安國注

曰北拒華山之陽故常璩叙蜀事謂之華陽國志

光武紀注引之蜀志注引之

武都郡

前地理志牂

南

史崔慰祖著海岱志起太公迄西晉人物為四十卷

隋志二十卷
齊崔蔚祖

隋志地理有揚雄蜀王本記一卷譙周

三巴記一卷常寬蜀志一卷 唐志雜史有王隱刪補

蜀記七卷 後漢注引孫盛蜀譜 南中八郡志李膺

益州記 蜀志注引王隱蜀記蜀本紀益部耆舊雜記

益州耆舊傳

古今集記

文選王儉集序撰古今集記今書七志為一家言

梁述異記

書目任昉二卷梁天監二年撰

崇文目二卷

昉家書三萬卷

多異聞又采於祕書撰此記唐志小說家祖冲之述

異記十卷

梁皇德記

梁書周興嗣撰皇德記

梁長春殿義記

梁書簡文在東宮撰一百卷

徐陵為序南史云長春義記

唐志一

百卷經解類

梁孔志

隋志梁有孔志十卷梁太尉參軍劉被撰

唐一百二十五家雜傳記

周諸侯
史記

志史錄雜傳記一百二十五家一百四十六部一千六百五十六卷失姓名十四家始於趙岐三輔決錄次魏文帝海內士品錄魏明帝時海內先賢傳終於李襲譽忠孝圖傳讚許敬宗文館詞林文人傳自崔玄暉友義傳至武誼自古忠臣傳不著錄五十一家二千五百七

十四卷附以女訓自劉向列女傳至鳳樓新誡十七家二十四部三百八十三卷總一百四十七家一百五十一部 隋志二百十七部一千二百八十六卷周官外史掌四方之志則諸侯史記兼而有之號仲叔勲藏於盟府司寇盟書登天府則王者誅賞具錄其事善惡之迹畢集史職而又閭胥旅師黨正書敬敏孝弟德行入於鄉大夫大比獻其書登天府是以側陋之士言行必達皆有史傳漢阮倉作列仙圖劉向作列仙列女列士

傳皆不在正史光武始詔南陽撰作風俗郡國之書由是作魏文帝作列異以序奇怪嵇康作高士傳以叙聖賢今部而類之謂之雜傳 舊唐志雜傳一百九十四部一千七十八卷

唐西征記

韋弘機傳貞觀初為左千牛胄曹參軍使西突厥會石國叛道梗三年不得歸裂裾錄所遇風俗物產為西征記北還太宗問外國事即上其書帝大悅 志雜傳記

類卷亡地理類戴祚西征記二卷

文選注引戴延之西征記

唐景龍文館記

志武平一撰十卷

崇文目書目同

中宗景龍二年詔修文館

置大學士學士直學士凡二十四員賦詩賡唱是書咸

記錄為七卷又學士二十九人傳為三卷

記云大學

士四人象四時學士八人象八節直學士十二人象十

二時張說文景龍之際六合清謐內峻圖書之府外

闢修文之館搜英獵俊野無遺才白雲起而帝歌翠

華飛而臣賦雅頌之盛與三代同風

唐兆人本業記

志農家武后兆人本業三卷 會要垂拱二年四月七日武后撰百寮新誠及兆人本業記頒賜朝集使

唐初學記

志類書類初學記三十卷張說類集要事以教諸王

天部

至麟介部

徐堅韋述余欽施敬本張烜李銳孫季良等分撰

會要開元十五年五月一日集賢學士徐堅等纂經

史文章之要以類相從上制名初學記至是上之欲令
皇太子諸王檢事綴文中興書目神龍中徐堅掇諸
書分門類事附見詩賦銘頌之文集賢注記開元十

六年正月學士徐堅已下撰成初學記三十卷奏之賜

絹有差寫十本分賜諸王

初尹鳳翔宣敕與燕公云兒
子欲學綴文若御覽類文博

要珠英之類部裏廣大卿與學士撰
集要事要文以類相從務要省便

唐翼善記

褚無量傳玄宗為太子拜司業兼侍讀撰翼善記以進

厚被禮答 志儒家類卷亡

唐東封記 漢封禪儀記

見封禪

韋述傳從封泰山奏東封記 志一卷儀注類 初學

記引張華封禪儀

唐兩京新記

志韋述兩京新記五卷 宋敏求依韋述例撰汴都事

為東京記三卷又以雍洛遺事為長安河南志各二十

卷

唐御史臺記

志職官類韓琬十二卷韋述十卷李建御史臺故事三

卷

杜易簡御史臺雜注五卷

集賢注記宋州司馬韓琬上續史記

一百三十卷南征記十卷御史臺記十二卷書目韓

琬十二卷載唐初至開元御史臺中制度故事以大夫

中丞侍御史殿中監察主簿錄事分門載姓名行事著

論一篇叙御史正邪得失附卷末以為世戒嘉祐御

史臺記五十卷馮潔已撰臺有記始於武后時姚庭筠

其後韓琬韋述嗣有紀者嘉祐中王疇命潔已續之自建隆之元迄嘉祐八年凡一百四年分門載名氏行事潔已極之子為敘傳兩篇述其父事附于後

宋聖寵新御史臺記崇寧中

續韓琬書用其規式所異者不為諸人立傳於儀制令式為詳

唐王政記

裴遵慶傳初為郎時著王政記述古今治體識者知有公輔器志王政記卷七鄴侯家傳德宗謂李泌曰

朕欲知自古政理之要而史籍廣博卒難尋究讀何書而可對曰昔魏徵為太宗畧羣書之言理道者成五十卷謂之羣書理要今集賢合有本又肅宗朝宰臣裴遵慶撰自上古以來至貞觀帝王成敗之政謂之王政記凡六十卷比寫一本送臣欲令進獻於先朝竟未果其書見在臣請進之以廣聖聰上曰此尤善也 盧稹著
五常皇極志

唐輔佐記

志職官類賀蘭貞元輔佐記十卷 會要貞元十二年

志云十三年十月昭義判官賀蘭貞元進用人權衡輔佐記

各十卷舉選衡鏡三卷

志作衡鑒三卷

唐文武兩朝獻替記

志雜史類李德裕獻替記三卷又會昌伐叛記一卷
書目二卷載其在文宗武宗朝論奏始末

唐平戎記

志雜傳類裴肅五卷

休之父

唐九鼎記

志許康佐四卷

唐三足記

盧景亮傳善屬文根於忠仁有經國志嘗謂人君足食足兵而又得士天下可為也乃興黃帝以來至唐剏治道之要著書上下篇號三足記又作答問輓運大畧及陳西戎利害切指當世公卿伏其達古今云 志雜家二卷

唐卓異記

志小說家陳鞠卓異記一卷

憲穆時人

裴紫芝續卓異記一

卷書目卓異記一卷開成中李翔撰唐世君臣盛事

如封禪并兩朝三代為相之類

二十卷類

崇文總目云陳鞠

撰乾符中裴紫芝續一卷載唐衣冠盛事樂史廣卓異

記二十卷集聖賢神仙之事

崇文目廣唐卓異記三卷

雍熙三年正月上

唐志雜家李文成博物志十三卷

唐止戈記

志兵書劉秩七卷 崇文目總集止戈書五十卷詳

唐科目記

見科舉

唐四時記

志薛登撰四時記二十卷

唐洽聞記

志小說家鄭遂一卷

崇文目同 晁氏志云鄭常

書目二卷唐鄭

遂類次古今書史異聞凡百五十六條

唐讀書記

舊志儒家讀書記三十三卷王劭撰

唐青宮要記

舊志儒家青宮要記十卷天后撰

唐國朝傳記

志雜傳記類劉餗國朝傳記三卷國朝舊事四十卷書

目傳記三卷凡一百九十事

唐中台志

志傳記類李筌中台志十卷 書目十卷李筌錄輔弼

邪正之尤者起商伊陟終隋虞世基以皇王霸亂亡五
者第之而為鑒戒唐相以李林甫陳希烈附皇道筌上
元中乃自表天寶初迫以綴名云景德中曾致堯以筌
叙事簡略褒貶未當乃為廣中台志八十卷自黃帝得
六相而下至於唐末類事為二十四門

致堯著為臣
要紀十五篇

唐辨疑志

志小說家陸長源辨疑志三卷 書目三卷辨世俗流

傳之謬

唐通志

舊唐書歸崇敬傳授司業兼集賢學士與諸儒官同修通志崇敬撰禮儀志衆稱允當

唐典章文物志 法象志

舊唐書李淳風所撰典章文物志等書行於世論前代渾儀得失之差著書七卷名為法象志奏之

唐禮志

志禮類丁公著禮志十卷

唐孝行志

志雜傳記類趙琬孝行志二十卷 柳宗元孝門銘曰
在帝有虞以孝烝烝仲尼述經以教于曾惟昔魯侯見
命夷宮亦有考叔寤莊稱純

唐經畧志

書目唐年經畧志十卷張陟撰始征伐四夷終朝貢皆
唐時事

淳化續翰林志

淳化二年十月辛巳翰林承旨蘇易簡獻續唐李肇翰
林志二卷詔藏史館仍賜詩二章又飛白玉堂四字以
賜 唐志職官類李肇翰林志一卷楊鉅學士院舊規
二卷雜史類韓偓金鑾密記五卷 書目次續翰林志
一卷蘇耆撰摭易簡所不及載者一十九事附當時名人
詩翰林雜記一卷學士李宗諤集翰苑規制恩例著為
定式

祥符中
上之

天聖四年三月十五日錢惟演為金坡

遺事三卷太宗御札御詩及銘共九首真宗詩六首標
于上篇終以雜記晁迥別書三事附焉 周必大玉堂
雜記三卷

淳化史氏懋官志

五年四月戊申直史館錢熙至自宋州得趙隣幾所撰
補會昌已來日歷三十六卷文集三十四卷所著鯀子
一卷六帝年畧一卷史氏懋官志五卷他書又五十卷
來上詔以錢十萬賜其家 直史館馮起撰御試三

榜碑淳化初中允和蒙撰七榜題名記以獻遂直集

賢院

并補注父藏所撰古今考梯集成十卷以獻

宋庠掖垣叢志三

卷

至道總仙記

見後列仙傳

二年四月知黃州樂史獻百三十七卷目錄四卷帝宣

示宰臣付史館

景德鹵簿記

三卷景德二年十二月乙巳朔南郊鹵簿使王欽若上

大中祥符封禪記 奉祀記 祀汾陰記

祥符元年十二月壬辰龍圖閣待制陳彭年請自天書
降至封禪畢編錄藏之秘府詔李宗諤丁謂及彭年纂
錄謂等就起居院編錄至三年十月書成凡五十卷皆
先為記事次列儀注御製冊祝樂章步虛詞御札詔敕
德音表狀頌碑銘記贊分門載之庚申丁謂等上之帝
為製序祀汾陰禮畢亦詔謂等撰記六年八月丁丑成
五十卷七年謂與李維等又作迎奉聖像記二十卷降

聖記五十卷奉祀記五十卷天禧元年十一月辛亥維
等以獻

祥符先天紀

天源錄

祥符八年十月十五日

壬辰知制誥盛度上聖祖黃帝天

源錄五卷命王曾晏殊編未備事迹二十八日乙巳樞

密使王欽若上纂集聖祖事迹十二卷以先天紀為名

中興書目
二十六卷

御製序九年三月戊午欽若上續成先天紀

三十二卷詔褒之天禧元年六月乙未賜輔臣先

天紀人一本 唐志神仙類楊上器注太上玄元皇帝聖紀十卷

天禧大禮記

天禧元年正月辛丑朔上玉皇寶冊壬寅上聖祖冊已酉上太廟六室寶冊辛亥合祭天地天安殿上尊號冊寶上寶冊禮畢亦詔禮儀院撰記時王欽若李迪繼判院楊億知院又成天禧大禮記四十卷二年正月戊午

以獻

宰相欽若等上

欽定四庫全書

天禧五嶽廣聞記

三年二月丙辰宰臣王欽若上會靈志百卷詔名五嶽
廣聞記賜序冠篇手詔褒之 封芝翠檢篆玉英辭桂
旗羽蓋雲屋風局

景祐國簿圖記

宋綬十卷

慶厯文武賢臣治蜀編年志

書目一卷慶厯初王玉纂章答為序始唐武德戊寅逮

慶厯壬午凡四百二十五年治蜀賢臣以年編次

皇祐大饗明堂記

二年九月親祠明堂制度損益多由上裁酌十月詔宰
臣文彥博宋庠參政高若訥史館王洙編修大饗明堂
記三年二月五日丙戌彥博等上二十卷目錄一卷彥
博言編修起三月戊子降詔迄李秋辛亥禮成廣記而
備言之慮簡牘頗多仰煩聖覽因纂成皇祐大饗明堂
紀要三卷以聞庚寅內出御製序從所請也令崇文院

鏤板以賜近臣

治平十國志

見雜史

熙寧都水名山記

八年七月四日右諫議大夫沈立進都水記二百卷名山記一百卷

元豐新修大樂記

三年置局修製太樂知禮院楊傑以前後討論大樂奏

議所承詔旨編為三卷又以元祐樂議七篇附卷末

建炎中興記

龍圖直學士耿延禧承詔著建炎初繼統事迹一卷

李綱編建炎時政記三卷自元年五月一日以後至八月十八日

建炎進退志

李綱建炎進退志總叙四卷

乾道籌邊國志

三年十二月八日參政蔣弼上

淳熙聖德記

十五年五月十三日左司郎中王正己進皇帝聖德孝

感記詔付史館

嘉定聖德記

五年九月二十四日吏侍彭龜年之子欽纂龜年勸講
所得聖語及事實本末名聖德記上之詔付史館

玉海卷五十七

欽定四庫全書

子部

玉海卷五十八

詳校官給事中_臣查善長

主事_臣祁韻士覆勘

總校官進士_臣朱 鈐

校對官修撰_臣吳錫齡

謄錄監生_臣秦長馨

欽定四庫全書

玉海卷五十八

宋 王應麟 撰

藝文

傳

尚書注云傳即注也以傳述為義史記索隱云列傳者敘列人臣事跡令可傳於後世

釋名曰傳者傳也以傳示後人也

黃帝星傳 內傳

見天文類 書目黃帝內傳一卷題錢鏐得於石室劉
向校書得之蓋依託云

禹大傳

文選離騷經王逸注禹大傳曰消槃之水出崦嵫之山

周王傳 穆天子傳

唐志穆天子傳六卷

晉書云
五篇

隋志六卷汲冢書郭璞

注

起居類晉時得汲冢書有穆天子傳體製與今起居正

同蓋周時內史所記王命之副也 春秋正義周王遊

行五卷 文選陶潛讀山海經詩汎覽周王傳 中興

書目六卷晉太康二年汲郡民發古冢得之其書言穆
王遊行之事侍中荀勗等校正郭璞為之注序曰謹以
一尺書紙寫上請付祕書繕寫藏之中經副在三閣詔
荀勗和嶠等以隸字寫之六卷八千五百一十四字書正
義漢書注水經注引之 拾遺記穆王三十二年巡行天下有書

史十人記其所行之地

孔子六藝傳

史記封禪書孔子論述六藝傳略言封泰山禪梁父者七十餘王矣其俎豆之禮不章蓋難言之 大史公論六家曰儒家以六藝為法六藝經傳以千萬數

夏小正傳

春秋正義大戴禮夏小正傳曰繁遊胡

春秋瑞應傳

白虎通三正篇春秋瑞應傳曰敬受瑞應而王改正朔易服色

漢高祖孝文傳

見御製

漢保傳傳 青史氏記 學禮

昭紀始元五年六月詔曰通保傳傳注文穎曰賈誼作

在禮大戴記

大戴禮

第三卷

保傳第四十八殷周有道

之長秦無道之暴其故可知也太子生舉以禮自為赤
子時教固以行矣周成王幼在襁褓之中召公為太保
周公為太傅太公為太師此三公之職也為置三少皆

上大夫也曰少保少傅少師故孩提三公三少固明孝仁禮義以導習之逐去邪人不使見惡行於是比選天下端士孝悌閑博有道術者以輔翼之使之與太子居處出入及太子少長則入于小學

見賈誼傳學禮曰云云

太子既

冠成人免於保傅之嚴則有司過之史有虧膳之宰有進善之旌有誹謗之木有敢諫之鼓瞽史誦詩工誦正諫大夫進諫士傳民語習與智長化與心成是殷周所以長有道也三代之禮云云食以禮徹以樂失度則史書

之工誦之三公進而讀之宰夫減其膳是天子不得為
非也明堂之位曰道者導天子以道常立於前是周公
也充者充天子之志常立於左是太公也弼者拂天子
之過常立於右是召公也承者承天子之遺忘常立於
後是史佚也

注道或謂之疑
充或謂之輔

故成王中立而聽朝則四

聖維之是以慮無失計舉無過事及泰不然云云夫存亡
之反治亂之機其要在是矣天下之命係於天子天子
之善在於早諭教與選左右云云此時務也

新書保
傳篇

天子

不論先聖王之德云云太師之任也云云至太史之任也

新書傳
職篇

春秋之元詩之闕雖禮之冠昏易之乾坤皆慎始

敬終云爾素成繁成謹為娶妻嫁女必擇孝悌世世有

行義如是則子孫慈孝黨無不善三族輔之故曰素成

胎教之道書之玉版藏之金匱置之宗廟以為後世戒

青史氏之記曰

注青
史子

古者胎教王后腹之七月而就宴

室太史持銅而御戶左太宰持升

一作
斗

而御戶右

新書
云太

卜持龜著而御堂下諸
官皆以其職御於門內

比及三月王后所求聲音非禮

樂則太師縕瑟而稱不習所求滋味者非正味則太宰

倚升

新書云荷斗

而言曰不敢以待王太子太子生而泣太

師吹銅曰聲中某律太宰曰滋味上某

新書云太卜曰命云某

然

後卜名上無取於天下無取於陸中無取於名山通谷

無拂於鄉俗是故君子名難知而易避也成王生仁者

養之孝者繼之四聖傍之有知而選太公為師周公為

傅王左右不可不諫也故曰繁成

注賈子胎教與此同

古者年八

歲而出就外舍學小藝焉履小節焉

小學謂庠門一作虎聞保之學也

束髮而就大學學大藝焉履大節焉

大學王宮之東居此太子之禮

則習禮文行則鳴珮玉升車則聞和鸞之聲是以非僻之心無自入也在衡為鸞在軾為和馬動而鸞鳴鸞鳴而和應聲曰和和則敬此御之節也上車以和鸞為節下車以佩玉為度上有雙衡下有雙璜衡牙蚘珠以納其間琚瑀以雜之行以采茨趨以肆夏步還中矩進則揖之退則揚之然後玉鏘鳴也古之為路車也蓋員以象天二十八橑以象列星軫方以象地三十輻以象月

故仰則觀天文俯則察地理前視則睹鸞和之聲側聽

則觀四時之運此中車教之道也

自青史氏以下太子之事也新書容經

篇國不務大務得民心佐不務多務得賢臣

引鮑叔得史鮪事

賢者安存失賢者危亡明鏡所以察形往古所以知今

凡二章三千五百五十四字

保傳言其常傳職戒其變胎教原其本而所以養於

外者猶不敢忽此佩以明有度車以明有則而容經又次之

白虎通諫諍篇引禮

保傳大夫進諫士傳民語王失度則史書之工誦之

後漢祭祀志注蔡邕引保傳五學之文詩正義引大

戴保傳篇鸞和之說

柳宗元四門壁記保傳篇

曰帝入東學以貴仁南學以貴德西學以貴義北學以尊爵賈生述之以明太子之教 禮記文王世子篇世子之記曰云云注世子之禮亡此存其記

漢離騷傳

淮南王安傳入朝獻所作內篇新出上愛秘之使為離騷傳旦受詔日食時上

師古曰傳謂解說之若毛詩傳

又獻頌德及長

安都國頌

隋志淮南王章句其書今亡

朱買臣傳召見說春秋言

楚辭帝甚說之

王褒傳宣帝修武帝故事講論六藝

羣書召能為楚辭九江被公召見誦讀志淮南王賦

八十二篇羣臣賦四十四篇

班固曰孝武詔淮南王

安叙離騷傳以為國風好色而不淫云云斯論似過其實

王逸云武帝使淮南王安作章句

其書今亡

晁氏楚辭

自宋玉九辯以下皆謂之傳

詳見楚辭類

漢六經異傳

史記自序厥協六經異傳索隱云如子夏易傳毛公詩

傳韓嬰詩外傳伏生尚書大傳之流也

正義云如左丘明春秋外傳國

語 樊儵傳永平元年以識記正五經異說

漢天下忠臣傳

志陰陽家于長天下忠臣九篇

平陰人近世

注劉向別錄云

傳天下忠臣

唐志武誼自古忠臣傳二十卷

咸通中作

南史梁元帝撰忠臣傳三十卷

舊唐志雜傳孝友十

家忠節三家

漢列女傳

志劉向所序列女傳頌圖 劉向傳向睹俗奢淫而趙
衛之屬起微賤踰禮制向以為王教由內及外自近者
始采詩書所載賢妃貞婦興國顯家可法則及孽嬖亂
亡者次為列女傳凡八篇以戒天子 隋志列女傳十

五卷

唐志同

劉向撰曹大家注又七卷趙母注

唐志云趙母傳七卷

又八卷高氏撰頌一卷劉歆又一卷曹植讚一卷繆襲

以頌為劉歆作與向列傳
不合志有頌圖非歆也

曾鞏目錄序隋書崇文總

目皆稱十五篇曹大家注以頌義考之蓋大家所注離
為十四與頌義凡十五篇並陳嬰母及東漢以來梁鴻
妻十六事非向書本然也嘉祐中集賢校理蘇頌以頌
義篇次復定其書為八篇家人之義歸於反身二南之
紫本於文王向博極羣書而此傳稱詩采芣柏舟大車
之類與今序詩者異式微一篇又謂二人之作馬融
傳注列女傳 班昭傳女誡七篇唐志一卷引女憲 晉王
接傳撰列女後傳七十二人長子愆期緣父本意又集

後傳 南史庾仲容列女傳三卷 隋志項原列女後

傳十卷

唐志項宗

皇甫謐傳六卷 綦母邃傳七卷 杜預要錄

三卷 女記十卷

唐志云列女記

唐志女訓十七家二十四部

三百八十三卷 始於劉向終於鳳樓新誠二十卷 失姓

名一家有劉熙傳八卷 孫夫人序讚一卷 虞通之后妃

記四卷 長孫皇后女則要錄十卷 魏徵列女傳畧七卷

武后列女傳一百卷

唐舊志雜傳列女十六家

王方慶女記至楊氏

女誠不著錄五家八十三卷

尚官宋氏女論語十篇 韋氏續曹大家女訓十二章

荀爽女誠程曉女典見藝文類聚 曹植列女頌文

選注引之

漢列仙列士傳

隋志漢時阮倉作列仙圖劉向典校經籍始作列仙列

士列女之傳雜傳類列女傳十五卷列士傳二卷

唐志同

列仙傳讚二卷

舊唐志二卷

又二卷孫綽

郭元祖讚

葛洪神仙傳

十卷

唐志王方慶後傳十卷沈汾續神仙傳三卷

史記正義七畧云列仙

傳二卷劉向撰

唐志神仙類卷同文目同凡七十二人

崇

書目列仙傳

三卷劉向撰凡六十三人杜光庭仙傳拾遺四十卷凡
四百二十九事沈汾續仙傳三卷凡飛昇十六人隱化
二十人樂史總仙祕錄一百三十卷自天皇氏以來類
聚登仙名氏各紀事實為五十四門上之史嘗為上王
清文苑

松年仙苑編珠一卷自唐以來一百二十八人見素子

洞仙傳十卷凡二百九十二人南史梁顗協撰晉仙

傳五篇江祿撰列仙傳十卷後漢注水經注文選

注引列士傳

又引列
仙傳讚

漢武帝傳

唐志神仙三十五家漢武帝傳二卷郭憲漢武帝別國

洞冥記四卷

字子橫

隋志漢武內傳三卷

莊子釋文引之

書

目漢武帝內傳二卷載西王母事後有淮南王公孫卿
稷丘君八事乃唐終南玄都道士遊岩所附洞冥記四
卷後漢光祿大夫郭憲載武帝神怪事

漢中興名臣列士傳 建武以來名臣傳 皇

德傳

列傳班固作世祖本紀又撰功臣平林新市公孫述等

列傳載紀二十八篇 臨邑侯復好學永平中與班固

賈逵共述漢史復子駒駘及從兄平望侯毅並有才學

永寧中鄧太后召毅及駒駘入東觀與謁者僕射劉珍

著中興以下名臣列士傳

東觀記一百二十六卷起光武注記至靈帝題云長水校

尉劉珍撰唐志駒駘集二卷珍集二卷

劉珍字秋孫

南陽人少好學永寧

元年詔珍與駒駘作建武以來名臣傳 侯瑾按漢記

撰中興以後行事為皇德傳三十篇

文苑唐志瑾集二卷

唐

志正史類皇德紀三十卷

隋志同起光武至冲帝後漢五行志注引皇德傳

宋太祖時沮渠茂度獻漢皇德傳二十五卷 寇

鄧高勲耿賈鴻烈經術如桓榮丁鴻范升賈逵純吏
如任延杜詩文章如班彪父子刑法如郭躬將帥如班
超諫諍如鍾離意申屠剛寬厚如侯霸

漢陳留耆舊傳

見地理 唐許南容策京兆耆舊光武創其篇陳留
神仙阮蒼述其事梁鴻作逸人之記劉向修孝子之

圖

孔子弟子先儒傳

隋志十卷 唐志孔子弟子傳五卷 姚澹四科傳譜四

卷

宋元嘉十四年河西獻四科傳四卷

書目皇朝李畋為孔子弟子贊

傳六十卷十萬餘言

國史志李畋

魏海內先賢

隋志魏海內先賢傳四卷 魏明帝時撰

唐志魏明帝五卷

李

氏海內先賢行狀三卷 舊唐志雜傳先賢者舊三

十九家

晉高士傳

皇甫謐傳字士安以著述為務自號玄晏先生撰高士
逸士列女等傳並重於世 高士傳序曰梁鴻頌逸民
蘇順叙高士或錄屈節雜而不紀又近秦漢不及遠古
謐采古今八代之士自堯至魏凡九十餘人雖執節若
夷齊去就若兩龔皆不錄也 隋志皇甫謐高士傳六
卷逸士傳一卷

選注引之

張顯逸民傳七卷嵇康聖賢高士

傳贊三卷

唐志傳八卷周續之傳贊三卷

孫綽至人高士傳贊二卷周

弘讓續高士傳七卷

唐志鍾離儒逸人傳七卷書

目皇甫謐高士傳十卷起堯世至魏咸熙中魏志注

嵇康撰錄上古以來聖賢隱逸遁心遺名者集為傳贊

自混沌至于管寧凡百一十有九人

嵇康所贊缺一自擬

宋周

續之傳以嵇康高士傳得出處之美因為之注南齊

書宗測續皇甫謐高士傳三卷

後漢注引劉昭幼

童傳

唐志十卷

晉正始名士傳 竹林名士傳

袁宏傳宏字彥伯著竹林名士傳三卷

唐志袁宏名士傳三卷

世說袁宏以夏侯太初等三人為正始名士阮嗣宗等

七人為竹林名士裴叔則等八人為中朝名士 隋志

正始名士傳三卷袁敬仲撰江左名士傳一卷劉義慶

撰竹林七賢論三卷戴逵撰

中興書目

崇文目同

正始名

士傳三卷其中卷竹林名士三逸上卷增荀粲下卷增

阮脩

文選五君詠引竹林名士傳

顏延年作五君詠以述竹林七賢點

王山

晉江表傳

虞溥傳字允源注春秋經傳撰江表傳子勃過江上江

表傳於元帝詔藏秘書

吳志注引之

唐志虞溥江表傳三

卷雜史類

晉益部耆舊傳

陳壽傳字承祚撰古國志五十篇益部耆舊傳十篇

文選

注蜀志注引之

隋志十四卷

唐志同

續傳二卷

蜀志云漢中陳術博學多聞著

釋問七篇並部
耆舊傳及志

漢議郎圉稱陳留耆舊傳二卷魏蘇林

廣舊傳一卷陳英宗陳留先賢像贊一卷 論衡楊終

子山為郡上計吏見三府掾史為哀牢傳不能成歸郡

作上孝明奇之召在蘭臺

後南蠻傳注
引哀牢傳

晉名臣傳

宋百官志晉制著作佐郎始到職必撰名臣傳一人

魏志

注引文士傳
先賢行狀

孝子傳

唐志蕭廣濟王韶之皆十五卷又讚三卷師覺授申秀
孝皆八卷宗躬二十卷虞盤一卷徐廣三卷梁武帝三
十卷鄭緝之讚十卷

梁高隱傳

梁書阮孝緒著高隱傳上自炎黃終于天監末斟酌分
為三品言行超絕名氏弗傳為上篇始終不耗姓名可
錄為中篇挂冠人世栖心塵表為下篇中篇載一百三十七人後並劉
歊劉討二傳及孝緒亡討兄 隋志阮孝緒高隱傳十
繫錄次篇末成絕筆之意

卷

唐志

袁淑真隱傳二卷

集無名高士

梁孝德忠臣傳

全德志

南史梁元帝撰孝德傳忠臣傳並三十卷

初學記載天性讚及受託

諫諍篇

元帝為湘東王時常記錄忠臣義士及文章之美

者筆有三品忠孝全者用金管書之德行精粹者用銀

管書之文章瞻逸者以班竹管書之

隋志雜傳類同

史唐志

又全德志一卷懷舊傳二卷梁元帝撰顯忠錄二

十卷丹陽尹傳十卷

唐志李襲譽忠孝圖傳讚二十

卷見後

唐文館詞林文人傳

志雜傳記許敬宗一百卷文館詞林一千卷

唐古文紀年新傳

志張昌宗三十卷文藝傳昌宗以文名撰古文紀年

新傳數十篇

舊史文苑傳張昌宗至脩文館學士撰古今紀年新傳三十卷

唐續文士傳

志齊張鷟文士傳五十卷

文選注引之

裴肅續文士傳十卷

開元中懷
州司馬

書目文士傳五卷載六國以來文人

起楚羊原終魏阮瑀崇文目十卷終宋謝靈運已

疑其不全今又缺其半 舊志文林傳五十卷

張隱撰

唐養德傳

太子重俊傳右庶子平貞春獻孝經義養德等傳志

卷七

唐孝德後傳

郎餘令傳孝敬在東宮餘令以梁元帝有孝德傳更撰

後傳數十篇

三十卷

太子嗟重

志郎餘令孝子後傳三

十卷又有趙琬孝行志二十卷

李栖筠為常州圖孝友傳示諸生見圖類

舊史餘令續梁元帝孝德傳撰孝子後傳三十卷以獻

晉陶潛有天子諸侯卿大夫士庶人孝傳贊

始於虞舜終於殷陶

唐宰輔傳 凌烟功臣傳

順宗實錄張薦在史館二十年著宰輔傳畧五服圖記

志雜史將又唐宰輔錄七十卷又凌烟功臣秦府十

八學士史臣等傳四十卷雜傳記李邕狄仁傑傳三卷

郭湜高氏外傳一卷李翰張巡姚閼傳二卷

一本云張中丞傳一

卷陳翊郭公家傳八卷

子儀

殷亮顏氏家傳一卷

果馬字卿

段公別傳二卷

實

李繁相國鄴侯家傳十卷

隋志王

氏江左世家傳三十卷王褒撰

唐五常傳

會要大和九年五月宰臣集賢大學士李宗閔准宣興

校理修撰等撰五常傳二十卷目錄一卷上之

賜宗閔等九人

錦綵
銀器

唐異域歸忠傳

志李德裕奉敕撰二卷

序云會昌二年四月甲申內附

會要會昌二

年七月上

卷同志

回紇傳武宗時回紇國亂烏介立為

可汗王子嗚沒斯率三部及大酋二千騎詣振武降武

宗詔宰相李德裕采秦漢以來至唐興殊俗忠效卓異

者凡三十人為異域歸忠傳寵賜之

德裕集有宣示嗚沒斯等冠帶訖圖

狀中興書目以名節自著者凡三十人始秦由余至

尚可孤 崇文目傳記類二卷

唐黠戛斯朝貢圖傳

志呂述一卷

會昌中秘書少監商州刺史

李德裕集有黠戛斯朝

貢圖傳序乃詔韋宗卿呂述往賓館以展私親和合同
異覲縷闕遺

唐高識傳

志雜傳記傳奕十卷

集魏晉以來與佛異者傳奕傳云高識篇

法琳辯

正論八卷破邪論二卷太史令傳奕請廢佛法琳

諍之

唐閩川名士傳

志黃璞一卷

字紹山大順中進士第

書目三卷

崇文目一卷

唐崇文

館校書郎黃璞所著也著錄凡五十有三起神龍迄大

順歷歲二百上春官第者才四十有三 晁氏志三卷

効楚國先賢傳為之 唐志地理類林諍閩中記十

卷

長樂人

韓文公曰閩人舉進士繇歐陽詹始史因

之今攷是書其前乃有薛令之林藻以登科記驗之

信然

唐列女傳

舊史雜傳列女傳一百卷天后撰古今內範記一百卷
內範要畧十卷

唐春秋列國名臣傳 春秋列國諸臣傳

志孫敏九卷 書目春秋列國諸臣傳五十一卷

十餘萬言

皇朝王當撰類左氏所載列國諸臣事效司馬遷為之

傳凡一百三十四人系以贊

又釋春秋十二卷

本朝名臣傳

張唐英五卷唐英初改著佐援宋齊間故事凡領著作者皆撰名臣傳一本以試史才因纂錄天聖至嘉祐名臣世家譜牒次第撰為五十列傳書目兩朝名臣傳

三十卷

真宗仁宗實錄中后妃諸臣等列傳不知作者

咸平諸臣傳一卷

起雷有終

迄路振凡三十人不知作者

熙寧諸臣傳四卷

起胡宿終陸詵

廉吏傳

書目十卷知黎州費樞撰載自古以來廉吏起魯季孫

行父終唐盧鈞 沈立著賢牧傳 唐志有良吏傳

十卷鍾岷撰

百將傳

書目十卷皇朝張預撰取古名將臣編類之起周太公至五代劉詞凡百人每傳各以孫子兵法斷其行事

元祐建中列傳譜述

元祐黨籍建中上書邪等名在兩籍者三百九人和州

布衣龔端頤

原之曾孫

訪求闕遺成列傳譜述一百卷書於

編者三百五人不可得而詳者四人而已淳熙十四年三月十八日修國史洪邁請甄錄從之授端頤上州文學

淳熙忠義傳

八年冬十月國子監簿喻良能進忠義傳起於戰國王蠟終於五代孫晟上下一千一百年所取者一百九十人凡二十五卷乞頒之武學授之將帥上曰忠臣義士不顧一身可以表厲風俗

開禧四將傳

三年正月十四日章穎上

劉岳李魏

計七冊詔付史館

淳化四年樂史獻廣孝傳五十卷總仙傳一百四十一
卷又撰諸仙傳二十五卷神仙宮殿窟宅記十卷國
史志孫冲遺士傳一卷

錄

錄記也總也周禮奠其錄注謂定其錄籍

周公職錄

見地理類

禹貢釋文周公職錄云黃帝受命風后受圖割地布九州

越計然萬物錄

史記正義
云方物錄

漢貨殖傳粵王句踐用范蠡計然計然曰知鬪則修
備時用則知物二者形則萬貨之情可得見矣故旱
則資舟水則資車物之理也修之十年國富范蠡曰
計然之策十用其五而得意注孟康曰姓計名然越
臣也師古曰古今人表計然列在第四等一號計研

故賓戲云研桑心計於無垠計然者濮上人也博學
無所不通尤善計算嘗南游越范蠡卑身事之其
書則有萬物錄著五方所出皆述之事見皇覽及
晉中經簿又吳越春秋越絕書並作計倪實一人
耳唐志農家范子計然十五卷范蠡問計然答
文選注引范子曰文子姓辛癸丘濮上人稱曰
計然馬總意林云姓辛名文子
史蕭大圜云陶朱成術於辛文王元長策
文注李善引范子計然曰五穀者萬民之命國之

重寶也 風賦注引范子計然曰秦衡出於隴西天水
班固傳注引范子計然 太平御覽引范子計然曰
地有五土之宜各有上下 初學記引曰居晝而為明

越紐錄

王充論衡吳君高之越紐錄周長生之洞歷劉子政楊
子雲不能過也

漢兵錄

見兵法

漢三輔決錄

趙岐傳京兆長陵人著孟子章句三輔決錄傳於時注
決錄序曰三輔本雍州地世世徙公卿吏二千石及高
賢者以陪諸陵五方雜會非一國之風非但繫於詩秦豳
也其為士好高尚義貴於名行其俗失則趨勢進權惟
利是視余生於西土嘗以玄冬夢黃髮之士姓玄名明
字子真與余寤言言必有中善惡之間無所依違命操
筆者書之近從建武以來暨于斯今其人既亡行乃可

書玉石朱紫由此定矣晉摯虞傳注解三輔決錄

後漢書蜀

志魏志注引決錄注

隋志雜傳二百十七部一千二百八十六

卷始於決錄七卷趙岐撰摯虞注

唐志雜傳記類十卷

晉虞預

傳撰會稽典錄二十篇

唐志二十四卷

魏海內士品錄

唐志傳記類魏文帝三卷

舊志二卷

晉百官儀服錄

隋志職官類五卷

晉拾遺錄

王嘉傳字子年著拾遺錄十卷記事多詭怪 唐志三

卷又拾遺記十卷蕭綺錄

嘉所撰凡十九卷二百二十篇綺合為十卷

集

賢注記天寶六載十二月敕索孝經鈎命決王子年拾遺任子道論等四十餘部以進

晉錄

舊唐志編年五卷

後魏辨宗錄

舊唐志譜牒類辨宗錄二卷元暉業撰 唐志傳記類
元暉等祕錄二百七十卷 隋志雜家科錄七十卷元
暉撰 史通元魏濟陰王暉業著科錄二百七十卷起
自古終於宋年依放通史

江左文章錄

南史丘靈鞠著江左文章錄序起大興訖元熙

唐諸王善惡錄

志儒家魏徵自古諸侯王善惡錄二卷 貞觀七年太

宗命徵錄自古帝王子弟成敗事名為諸王善惡錄以
賜諸王太宗覽而稱善謂諸王曰此宜置于坐右用為
立身之本 貞觀政要載其序曰軒轅分二十五子舜
舉十六族爰歷周漢以逮陳隋功成名立咸資始封之
君國喪身亡多因繼體之后

唐祥瑞錄

志雜傳記魏徵十卷 書目米經典子史傳記小說所
言祥應事類

唐諫錄

見奏疏類

唐女則要錄

舊志儒家十卷文德皇后撰

唐春宮要錄

志儒家類章懷太子春宮要錄十卷故事類杜正倫春
坊要錄四卷

唐紫樞要錄

志儒家武后十卷

唐封禪錄

志儀注類孟利貞封禪錄十卷裴守真神岳封禪儀注

十卷

唐千秋金鑑錄

志儒家張九齡千秋金鑑錄五卷 張九齡傳初千秋

節王公並獻寶鑑九齡上事鑒十章號千秋金鑑錄以

伸諷諭 舊史開元十八年八月丁亥上御花萼樓以

千秋節百官賀賜四品以上金鏡珠囊縑綵五品以下
衣帛有差上賦八韻詩又製秋景詩張九齡為中書令
時天長節百寮上壽多獻珍異九齡進金鑑錄五卷言
前古興廢之道上賞異之崔日用於玄宗誕日采詩大
小雅二十篇獻之 會要開元十七年八月五日癸亥
相乾曜說等上表請以八月五日為千秋節羣臣獻壽
酒王公戚里進金鏡綬帶士庶以結絲承露囊更相問
遺村社作壽酒宴樂名賽白帝報田神制曰可 通鑑

開元二十四年秋八月壬子張九齡上千秋金鑑錄五
卷上賜書褒美 玄宗御製賜鏡詩鑄得千秋鏡光生
百鍊金又千秋節宴詩月銜花綬鏡露綴綵絲囊 九
齡進金鑑錄表伏見千秋節日王公已下悉以金寶鏡
進獻臣謂明鏡所以鑑形有妍蚩則見之於外往事所
以鑑心有善惡則省之於內故鏡銘云以鏡自照見形
容以人自照見吉凶云云謹於生辰節上事鑑十章分為
五卷 宋朝孝宗時陳良祐因會慶節撫唐太宗

事百二十條議其當否目曰會慶萬年金鑑錄上之

唐明皇政錄 明皇雜錄

志雜史李康明皇政錄十卷鄭處誨明皇雜錄二卷又
儒家馮中庸政錄十卷開元十九年上書目明皇雜
錄二卷大中九年校書郎鄭處誨雜記玄宗承平之事
雖微必錄已見於太史者不言

唐天寶軍防錄

鄭虔傳長於地理山川險易方隅物產兵戎衆寡無不詳嘗為天寶軍防錄言典事該諸儒服其善著書志卷七 崇文目地理類一卷

唐帝王紀錄

志雜史褚無量帝王紀錄三卷盧元福帝王編年錄五十一卷

唐興元聖功錄 紀功述 功臣錄見 奉天

錄

志雜史袁皓興元聖功錄三卷 李晟傳德宗狩蜀倉

部員外郎袁皓采李晟功烈為興元聖功錄徧賜諸將

戒厲之 李紆德宗時為兵部侍郎奉詔為興元紀功

述 志崔光庭幸奉天錄二卷

又趙元一四卷

張讀建中西狩

錄十卷

唐貞元郊祀錄

禮樂志太常禮院修撰王涇考次歷代郊廟沿革之制
及工歌祝號而圖其壇屋陟降之序為郊祀錄十卷

志儀注類王涇大唐郊祀錄十卷貞元九年上時為太常禮院修撰

唐宰輔錄 鳳池錄 衣冠盛事錄

志雜史蔣乂大唐宰輔錄七十卷又張薦宰輔傳略卷亡職官類馬宇鳳池錄五十卷雜傳記類蘇特唐代衣冠盛事錄一卷 會要元和十三年十

二月祕書少監史館修撰馬宇撰鳳池錄五十卷

上之 書目鳳池錄五卷

崇文目同

貞元二年馬宇撰

起高祖武德元年訖貞元二年紀錄宰臣拜免及一時事迹

唐遣使錄

志雜傳記陸贄一卷

唐禦戎新錄

見兵書 李渤傳元和初召為左拾遺家東都朝廷政有得失附章疏陳論又撰禦戎新錄二十卷表獻之

舊史

唐西南備邊錄

志兵書類李德裕十三卷 中興書目劔南西川節度使德裕撰大畧謂成都藩翰西南備禦不可少弛於是纂兵將糧械之數城鎮種落之名歲計經用之目並以大和六年為斷及諸郡故實外夷情狀煩碎畢書又新作城鎮緣邊賊路皆以朱書別之總成小圖標之首卷今所存僅一卷餘皆缺

第四卷尤詳

叙維州本末會昌中上之

詳見籌

邊樓

唐華陽風俗錄

志地理類張周封一卷字子望西川節度使李德裕從

事

崇文
目同

唐元和錄

書目三卷馬永易撰起元和三年迄大中十三年政迹
總號元和錄蓋因所紀初年云

唐皇室維城錄

志譜牒類一卷

崇文
目同

唐經史要錄

見經解 舊史鄭澣為侍講學士文宗命撰經史要錄
二十卷書成上喜其精博因以十九書語類上親自發
問澣應對無滯錫以金紫

志是光又十九部書語類十
卷開元二十二年十一月上

見類
書

唐科第錄

見科舉

唐諭善錄

志雜家庾敬休七卷

唐四夷朝貢錄

見朝貢類 崇文目地理類十卷

唐皇王寶運錄

志雜史類楊岑

卷亡憲宗時人

功臣錄三十卷韋昭度楊涉續

皇王寶運錄十卷

蜀韋莊箋自武帝至少帝 崇文目同

唐開成承詔錄

志雜史李石二卷

記大和中君臣問答之語

唐年小錄

志故事馬總八卷

唐柳氏家學要錄

志小說類二卷柳程書目柳氏家學一卷凡三十四章
晁氏志一卷采其祖彥昭祖芳父晁家集所記累
朝典章因革時政得失著此錄又常侍言旨一卷記世
父登所著六章

唐神州等第錄

撫言神州解送自開元天寶之際率以在上十人謂之

等第必求名實相副以滋教化之源小宗伯倚而選之
或至渾化不然十得其七八天府之盛神州之雄選才
以百數為名等列以十人為首起自開元天寶之世大
厯建中之年得之者搏躍雲衢階梯蘭省今所傳者始
于元和丙戌歲次叙名氏目曰神州等第錄王定保撰
八十三門

記唐朝進士應
舉登科雜事

唐餘錄

寶元二年十一月戊子朔刑部直集賢院王皞上六十

卷詔獎之

建隆垂統錄

關者孫進

太平興國錄

八年九月癸丑朔秘書監錢昱獻太平興國錄一卷求
換臺省官令學士院召試制詔三篇改秘書監判尚書
都省

雍熙唐孝悌錄

三年正月著作佐郎樂史獻唐孝悌錄十五卷

史本傳云二十

卷續五卷

續卓異記三卷

兩朝志樂史孝悌贊五卷 咸平

六年九月甲午直史館樂史獻所習廣孝新書孝悌錄
上清文苑總仙記凡八百卷 唐志有王方慶友悌錄
十五卷

雍熙大政要錄

雍熙三年九月戊辰戶部郎中知陝州張去華獻大政
要錄三十篇上覽而嘉之璽書褒美賜帛五十段因留

不遣

去華獻元元論大指以養民務
稽為急真宗嘉賞寫為十八軸

天聖七年七月

已卯泰州泰興簿胡訥上所著孝行錄二卷賢惠錄二

卷民表錄三卷

國史志

淳化皇猷錄

淳化元年十月庚午金州觀察使判和州錢儼獻皇猷錄一卷優詔答之咸平初又獻光聖錄

淳化正辭錄

紹興正辭錄

又見羣祀

景祐崇祀

錄

淳化二年七月戊申祕書監李至以新撰正辭錄三卷

上

崇文
目同

先是祠祀祝詞命著作局官屬臨事撰進多不

合典禮向來所用之文辭義淺近固依古式至是乃撰
成數百首上進永為定式焉 一本云凡百九十三首

內八十四首新製餘皆依舊詞取左氏祝史正辭之義
也真宗景德元年十二月癸卯命知制誥李宗諤及楊
億陳彭年詳定 祥符二年四月庚寅命兩制禮官取
祕書省學士院祝版據正辭錄重定 紹興二十七年

九月二十五日丁亥詔禮官及祕書省依景德故事取祭祀之式考訂潤色為紹興正辭錄依校書郎葉謙亨請也 景祐三年七月己卯詔以太子少傅孫奭所撰大宋崇祀錄二十卷送史館初奭領太常以國朝典禮倣唐王涇郊祀錄為此書未奏而卒子殿中丞瑜表上之崇文目二十卷儀注類

咸平聖政錄

六年八月戊寅太僕少卿直祕閣錢惟演上二卷詔付
史館實錄咸平三年五月丙申以錢惟演為太僕少
卿惟演獻咸平聖政錄二十事召試有是命

景德戴斗懷柔錄

景德初元年盟好之議翰林學士趙安仁多所參預撰答

書又記太祖朝書問規式及接伴乃裁定覲見儀制安

仁又錄和好以來事宜及采古事可附于今為豫備者

作戴斗懷柔錄以獻

本傳同

志王晦叔戴斗奉使錄二

卷

祥符法寶錄

祥符二年正月庚辰學士楊億等上景德傳燈錄三十

卷

本僧道原所獻
詔億等刊定

六年八月丁亥御製法寶錄序

兵部侍郎

趙安仁等纂集新經并所降制詔賜名大中祥符法寶錄凡二十三卷八年十月甲辰上之會要二十一卷

景祐元年四月十五日參政王隨刪傳燈錄為十五卷

二年十月辛未知樞密院王隨上傳燈玉英集摹印攷

行三年十月辛酉李遵勗上所纂天聖廣燈錄三十卷

下傳法院四年四月乙巳譯經使呂夷簡上所定景祐
法寶新錄二十一卷先是三年十二月夷簡及潤文宋
綬請御製序賜名是錄自祥符四年後至景祐三年元
豐元年十月二日參政元絳參定傳法院新編法寶錄
梁書簡文撰法寶聯璧三百卷 唐志釋氏類貞觀
內典錄十卷 書目唐內典錄十卷麟德初西明寺僧
智昇撰載歷代佛書傳譯篇目本末傳燈錄三十卷僧
道原纂景德中詔翰林學士楊億等判定自天竺七佛

至達磨西來傳至法眼凡五十二世一千七百人語錄
續燈錄三十卷惟白撰分五門法苑珠林一百卷唐僧
道世撰 晁迥法藏碎金錄十卷

祥符殊祥錄 天源錄

錢易傳東封泰山獻殊祥錄 盛度上天源錄五卷

王質監舒州靈仙觀採古今練形攝生之術撰寶元總
錄百卷

天禧雲南錄

中興書目二卷天禧元年監虔州商稅辛怡顯撰淳化五年以西蜀順賊與南蠻結連詔募命官士庶通邊事者往黎雋界招撫時怡顯自薦請行至道元年記事而歸是書備載始末云 路振祥符初使契丹撰乘輅錄以獻

本朝名臣錄

書目本朝名臣錄八卷不知作者編類建隆至乾興三朝諸臣列傳叛臣蠻夷附焉以實錄國史校之間有不

同本朝勲德傳一卷不知作者編類太祖至仁宗諸臣
有勲德者起范質終孫沔凡五十六人名賢遺範錄十
四卷王旦遺事錄四卷子素撰王曾言行錄三卷葉清
臣撰韓琦別錄三卷王巖叟撰張詠語錄四卷李昉撰
後人類為一集

又王曾言行錄一卷
凡六十七事王皞撰

皇朝政錄

十卷晏殊序曰皇帝

仁宗

閱三朝之方冊思為要略以便

討論於是仰稽信諫博采宏綱掇英存實罔不森羅彼

無逸圖屏典論刊石方茲鉅美

慶曆四年講祖宗聖非政錄恐即此書當考

可同年

宋朝會計錄

國史志地理類林特三十卷丁謂景德六卷田況皇祐
六卷蔡襄治平六卷丁謂傳權三司使上會計錄以景
德四年民賦戶口之籍較咸平六年之數具上史館請
自今以咸平籍為額歲較其數以聞詔獎之林特傳
奉詔撰會計錄田況傳況鈎考財賦盡知其出入乃

約景德會計錄以今財賦所入多於景德而歲之所出又多於所入因著皇祐會計錄上之冀以悟上更立經制使百姓實而縣官有餘用也 晁氏志丁謂景德中纂三司戶口稅賦之入及兵食吏祿之費會計天下每歲出納贏虧之數李吉甫元和國計圖之類也

慶厯兵錄

五年樞密副使丁度搜次首末鈎考纖微掇其攻守戰者為禁兵民兵兵錄五篇宋祁為序曰宋興經武制衆

凡軍有四一曰禁兵殿前馬步三司隸焉卒之銳而剽者充之或挽強或蹋張或戈船突騎或投石擊刺故處則衛鎮出則更戍二曰廂兵諸州隸焉卒之力而悍者募之天下已定不甚持兵惟邊蠻夷者時時與禁兵參屯故事於服勞間亦戍更三曰役兵羣有司隸焉人之遊而惰者入之若牧置若漕輓若營軍若工技業壹事專故處而無更四曰民兵農之健而材者籍之視鄉縣大小而為之數有部曲無營壁闕者輒補歲以閱焉此

國家制軍之畧也今參預丁公進使樞省

五年四月庚戌度為樞副

為兵錄合羣曹所分擿諸條所隱彙而聯之部分班如也離而件之區處戢如也雖五符猥并邊瑣曲折歲列廢置月比耗登披文指要坐帷而判蓋簡稽之決要蒐乘之總凡錄成乃上於官軍篇之首公各述其所由近衛別錄示有尊也餘軍弗載略所緩也文約事明成一王法

兵錄凡五卷 傳云又慶厯
磨邊錄一卷 編年總錄八卷

書目慶厯軍錄一

卷不知作者取三朝史兵志及國史自天聖成書之後

建立壁壘次序編為此書

皇祐登瀛祕錄

皇祐中宋并據杜佑通典條目摘其要務編類首之以
選舉次禮樂制度兵農大略遺逸者補之為八卷樂黃
目撰學海搜奇錄四十卷

皇祐朱邨恩華錄

見宗戚類

至和太平盤維錄

又見宗
戚類

右武大將軍睦州團練使宗諤進太平盤維錄纂歷代
宗屬事蹟勒成上下二帙總六卷分十二門

熙寧蕃夷朝貢圖

詳見內
附類

七年九月丁未史館修撰宋敏求等上總二十一卷即
四年十月六日李評所請也

熙寧聖朝徽名錄

書目十卷熙寧中李德裕類載太祖迄神宗六朝君臣
表上尊號儀制詔冊始末 宋庠尊號錄一卷自漢至

仁宗有序評贊

元豐華戎魯衛信錄

六年九月二十四日丙寅吏部侍郎蘇頌上二百二十

九卷事目五卷總二百冊

元豐四年八月奉詔編類北界國信文字詮次類例皆稟

聖謨初頌進對上曰朕欲集國朝以來至昨代州定地界

文案比類編次為書非卿不可成頌奉詔置局樞庭仍

辟王汝翼李士京檢閱文字至是上之上嘉歎親筆賜

名詔別錄一本送密院

序云六年六月五日宸筆賜名以敘事冠篇首終於蕃夷雜錄

總序

二百卷卷有冗併則釐為上中下

叙事書詔誓書歲幣國信國

書奉使驛程地圖名銜年表儀式賜予交馳詔錄書儀

例物市易條例泛使文移河東地界邊防契丹世系國

俗官屬關口道路蕃軍馬州縣終於蕃夷雜錄而經制

方畧論議奏疏附焉 紹聖五年續編兩朝魯衛信錄

置局密院

元豐上貢錄

中興書目二卷

元豐中翰林學士李清臣等撰先是

清臣詳定朝會儀注所承詔稽案圖志推原物產凡輕重多寡條列上之二卷

元祐稽古錄

司馬光撰二十卷自三晉開國迄顯德末為歷年圖

治平

元年三月十四日上七卷

宋興至治平四年為百官表大事記威烈

丁丑而上伏羲書契以來總為稽古錄

始伏羲迄治平四年周共和庚

中始為編年

元祐元年三月十四日光上人主不可不

觀史善者可為法不善者可以為戒載籍浩博宜提其

綱目撮其精英欲以稽古錄送正字范祖禹校對繕寫俟讀寶訓畢取此書進讀令侍讀隨文解釋以資稽古

之萬一從之

光又為通
歷八十卷

慶元初龔頤正上續稽古錄

一卷起熙寧元年至紹熙五年未幾有毀板之旨

宣和重脩博古圖錄

又見
圖類

三十卷 鼎尊 罍 彝 舟 卣 瓶 壺 爵

斚 觚 斗 卮 觶 角 杯 敦 簠 簋 豆

鋪 甌 鋹 鬲 鍑 盂 盥 鐺 斗 斚 罍

冰鑑 冰斗 匝 匝盤 洗 盆 銅 杆 鐘
磬 鐔 鐸 鉦 鏡 戚 弩機 鍬 奩 錢
硯滴 托轅 承轅 漢輿輅飾 周雙螭表座 漢表座
旂鈴 刀筆杖頭 唐蹲龍 漢鳩車 六朝鳩車
漢龍提梁 鑑 鐵鑑 始於鼎終於鑑

建炎三君行事紀要錄

元年六月癸亥李綱奏自古創業中興之主如漢高光
唐太宗皆有英明之資寬誠之德仁厚而有容果斷而

不惑故能戡定禍難身致太平因請以所編三君行事
紀要錄以進上可之

紹興七朝詔誥錄

四年五月二十七日丙子詔館閣官以累朝制誥類編
為七朝詔誥錄從祕書少監劉大中之請也書不克成

紹興脩宰輔錄

又見宰相類

治平四年九月己丑詔實錄院檢討陳繹具上祖宗朝
兩府拜罷之因後撰拜罷錄以進 紹興九年三月六

日丙戌詔宰輔拜罷錄詳略失中本末差舛令史館重修史館言凡牴牾者宜悉改正從之書未成二十一年九月庚子祕書少監林機建言又命國史日厯所重修然亦不克成 陶潛集聖賢羣輔錄自燧人四佐至八儒二墨凡二卷唐志有蔣乂宰輔錄七十卷

紹興編忠義錄

十三年六月十四日詔史館編修靖康建炎忠義錄先

是閏四月己酉吏部郎王揚英言乞撫事實暴人耳目
靡間存沒編為一書故也書不克成

乾道同符貞觀錄

三年三月起居舍人洪邁給事中王曠等上 序云臣
等三月七日蒙宣召至選德殿講論古今帝王之道且
曰唐三百年惟太宗為可尚齋心敬慕每事取法宜為
朕采貞觀時事以今日觀之撫其所近似求所未至臣
等曰太宗之治固為可慕然要者無出諫行言聽神宗

序通鑑謂太宗所謂禹吾無間然者謹米貞觀事迹列
為二十門事為之說件別以上 實錄三年三月癸亥
曦邁同進呈同符貞觀錄讀至聖孝篇馬周諫往九成
宮事上曰是失思慮讀畢上曰朕有疏謬卿等當詳說
容熟觀

淳熙四繫錄

三年權禮侍郎李燾進四繫錄記女真契丹起滅自紹
聖迄宣和靖康凡二十卷上曰朕可一日忘此虜哉

皇朝名臣言行錄


五朝起趙普至蘇洵凡五十五人三朝起韓琦至陳師道凡四十人朱熹撰

嘉定聖宋遵堯錄

八卷羅從彥撰采祖宗故實可垂法後世者纂錄辨釋嘉定七年南劍守臣劉允濟上之

南北攻守錄

五十八卷李壁撰



玉海卷五十八